



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Lignvm Vitae, Ornamentum, & Decus Ecclesiae**

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

**Wion, Arnold**

**Venetiis, 1595**

S. Theodulphus Episcopus, hymnoru[m], Gloria laus & honor: & Vexille Regis prodeunt, compositor. cap. LXVI.

**urn:nbn:de:hbz:466:1-38397**

S. THEODVLPHVS EPISCOPVS:  
Hymnorum, Gloria, laus, & honor, & Vexilla  
Regis prodeunt, compositor :

ad illud,

*Benedictus qui uenit in nomine Domini. Matth. 21.*

Cap. LXVI.



VIDE de S. Theodulpho dicam : Qui ex Monacho, & Abbate Floriacenti Episcopus Aurelianensis factus, ita in omnibus consummatum Episcopum se ostendit, & vita, moribusque adeo irreprehensibilem, ut diuinitus ad id munus delectus videretur ? Ex hominibus enim assumptus, pro hominibus in ijs, quæ ad Deum sunt constitutus, nihil diligentius curauit, quam Sanctum P. Benedictum monasterij sui Patronum, in omni morum honestate, & vitæ sanctimonia imitari, idoneumque se ostendere in doctrina sana Ecclesiam Christi edificare. Et cum tantus esset, non desuerunt illi persecutores, quibus odiosa eius erat sanctitas, & nisi potentia Dei protectus fuisset, mox in principio sui Pontificatus procerum gladijs obrutus concidisset. Quomodo enim mitissimus Pontifex tutus esse potuisset, ubi eiusdem pietissimi Imperatoris, ad quem delatus est, vita mille fraudibus, & toridem domesticis insidijs, ab ignobilibus nobilibus ad mortem petebatur ? tam odiosa, heu dolor, aliquando virtus esse solet in principum aulis, ut qui ipsam sequi velint quandoque persecutiones patiantur grauiore, quam illi, qui atrociora flagitia committunt. Hoc euenit nostro sancto Theodulpho, qui à nonnullis æmulis Ludonico Pio Imperatori falso accusatus, & ab eo in carcerem coniectus, in carcere tamen positus, viam æquitatis non deseruit ; sed celestibus disciplinis intentus, notissimos, & pulcherrimos illos Hymnos. *Gloria, laus, & honor, & Vexilla Regis prodeunt* : suauiter concentu composuit. Qua ratione adpictus hic conspicitur Pontificis habitu, eorundem Hymnorum mysterium, Christum videlicet Iesum Afixæ insidentem in tabula depictum, præ se ferens. Primum cum in die Palmarum transeunte Imperatore iuxta carcerem, alta & deuota voce concinuisset, eius dulcedine in tantum captus est

XXX 3 Im-



Imperator, ut eum è carcere dimitti statim præceperit. Hinc consuetudo Ecclesiæ laudabilis inolevit, ut in die Palmorum Hymni illi quotannis cantarentur, quod & hodie obseruatur tanquam memoriale perpetuum Benedictinæ familiæ. Hymnus autem primus talis est:

Gloria, laus, & honor, tibi sit Rex Christe Redemptor,  
 Cui puerile decus prompsit Osanna pium.  
 Israel es tu Rex, Dauidis, & inclita proles,  
 Nomine qui in Domini, Rex benedicte uenis.  
 Cætus in excelsis, te laudat cælicus omnis,  
 Et mortalis homo, cuncta creata simul.  
 Plebs Hæbreæ tibi, cum palmis obuia uenit,  
 Cum prece, uoto, hymnis adsumus ecce tibi.  
 Hi tibi passuro soluebant munia laudis,  
 Nos tibi regnanti, pangimus ecce melos.  
 Hi placere tibi, placeat deuotio nostra,  
 Rex bone, Rex clemens, cui bona cuncta placent.  
 Fecerat Hæbreos hos gloria sanguinis almi,  
 Nos facit Hæbreos transitus ecce pius.  
 Sis pius ascensor tu, nos & sumus Aselli,  
 Tecum nos capiat urbs ueneranda Dei.  
 Vestis Apostolicæ rutilo fulgore tegamur,  
 Te bene docta ut eam, nostra caterua uehat.  
 Tegmine sic animæ sternamus corpora nostra,  
 Quo per nos semper sit uia tuta tibi.  
 Sit pia pro palmæ nobis uictoria ramis,  
 Ut tibi uictrici sorte canamus ita. Amen.

Secundus autem, quia omnibus notus ex industria omisus est.

Composuit, & alia opera præclara, de quibus feruntur;

Hymnorum diuersorum, lib. 1.

Epistolarum ad diuersos, lib. 1.

Annales Caroli Magni, & Ludouici Imperatorum, lib. 1.

Qui extare dicitur MS. sed ubi loci nescio.

Claruit temporibus dicti Ludouici, an. Do. 830. & quod ex caritate & sanctitate, miraculorum q; gloria clarus in pace quiescit, secularem societatem inter cælestes spiritus, quam inter discordes terrenas assecutus. *Supplementum Chron. lib. 11. Tritemius de uir. ill. Col. S. Bened. lib. 2. c. 40. & alij pene infiniti.*